



LAČHO LAFI TARO

LUKA 1-2



E Isuseso bijandipe



LAČHO LAFI TARO LUKA 1-2

The Gospel of Luke 1-2

Published 2020 for the Gurbet edition by

Romska Biblija (RomBib)

www.rombib.com

Graphics & Layout: OM EAST, www.east.om.org

Front cover photo by www.LumoProject.com

This is a joint production by

Romska Biblija (RomBib) and OM EAST.

eBooks for download: east.om.org/ebooks

This work is made available under the Creative Commons Attribution-ShareAlike 4.0 International License. To view a copy of this license, visit <http://creativecommons.org/licenses/by-sa/4.0/>.





O Luka bičhalol lil e Teofilese tare Isuseso đuvdipe

¹ Sar so đane but đene lije te pisin tar okova so sasa^a so o Dol obećisada prekale prorokura, a čerdile maškar amende. ² Pisisade amendje kola save korkore dikhle vađi tare anglune đivesa thaj čerdile sluge e Devlese Lafese, ³ gija i me, mangleja Teofile, tuče pisiv sa redasa, golese so sa taro anglunipe ispitujisadem. ⁴ Gija ka ave uverimo da okova so sikade tut tare Hristoso đuvdipe si čaćipe.

O meleko vačarol taro bijandipe e Jovaneso e krstiteljeso

⁵ Ano vreme e Irodeso o caro e Judejako sasa nesavo svešteniko tare Avijinaso redo,^b

^a **1,1** ispunisajlo

^b **1,5** O Avija sasa šorutno tar kaja grupa sveštenikura thaj sa von sesa kuštika (čhave) e Aronese, savo sasa angluno izraelsko svešteniko (dik 2. Dnev 24).

akhardola Zaharija, thaj lesi romni sasa taro pleme e Aaroneso, savi akhardola Jelisaveta.⁶ A sesa solduj čačutne anglo Dol, thaj živisade palo vačaripe thaj palo zakono e Rajoso bizo nisavo bilačhipe.⁷ Len naj sasa čhave, golese kaj i Jelisaveta naštine ačhol khamni, a solduj đene sesa već purane.

⁸ Thaj jekh đive, o Zaharija kandija e Devle ano Hram golese kaj palo dužnost sasa leso redo,⁹ kaj palo adeti e sveštenikureng birisade le barbutesa te đal e Devlese te kadil ano Svetište e Rajoso.^{c 10} Thaj but manuša sesa avral thaj molisajle e Devlese kana o Zaharija dija te kadil ano Hram.

¹¹ A e Zaharijase sikadilo o meleko e Rajoso savo ačhilo ki desno rig taro oltari e kadimaso.

¹² Thaj kana dikhija le o Zaharija but darajlo.

¹³ Al o meleko vačarda lese: “Ma dara, Zaharija! Golese kaj či molitva si šundi, thaj či romni i Jelisaveta ka bijanol murše. Tu ka dele alav Jovan.

^c **1,9** E Sveštenikura trubuje te phabaren guglo-sungalo tamjano sar anipe (prinos) e Devlese svako sabalje em i rat ko oltari savo si posebno andre ano hramo.

¹⁴ Thaj tu ka ave radosno thaj bahtalo,
 thaj but đene ka aven blagoslovime
 lese bijandimasa.

¹⁵ Golese kaj ka avol baro anglo Dol, thaj
 ni ka pijol mol thaj zuralo pijipe,
 thaj ka pherdol e Svetone Duxosa dok
 si ano vođi pe dako.

¹⁶ Thaj vov bute Izraelcuren ka iril anglo
 Rajo lengo Dol.

¹⁷ Thaj vov^d ka đal anglo Rajo sar manuš
 savo anol o aberi ano duxo thaj ano
 zuralipe sar o Ilija o proroko.

Ka miril e ile e dadendje premale e
 čhave, thaj okola so ni šunen e
 Devle te aven gođaver sar e manuša
 save čeren okova so o Dol phenol da
 si šukar.

Sa kava ka čerol te pripremil e
 manušen te šaj aven spremna e
 Rajose avimase.,,

¹⁸ Thaj vačarda o Zaharija e melekose: “Pal
 soste me gova ka đanav? Golese kaj sem
 purano thaj mi romni si bute beršendj.,,

¹⁹ Thaj phenda e Zaharijase o meleko: “Me sem o Gavrilo savo ačhav anglo Dol.^e Bičhaldo sem te vačarav tuče kava lačho lafi. ²⁰ Thaj ak, golese so ni pačajan me lafura ka ave laloro thaj ni ka vačare ċi gova ċive ċi kaj sa gova ni avol, thaj me lafura ka pherdon.,,

²¹ Thaj avral e manuša ađučarde e Zaharija, thaj čudisajle sose gači majisajlo ano sveto than e Hrameso. ²² A kana iklilo Zaharija naštine te vačarol. Vov dija len znakura golese kaj sasa laloro, thaj e manuša haljarde kaj diklja dičhipe ċi kaj sasa ano sveto than e Hrameso.

²³ Thaj kana nakhle e ċivesa tar leso kandipe ano Hramo o Zaharija ċelo čhere. ²⁴ A pale kala ċivesa ačhili khamni i Jelisaveta lesi romni, thaj ni iklili avral pand ċhon^f thaj vačarda:

²⁵ “Gija čerda mande o Rajo ane kala ċive kaj pelo lese žal mande! Uljarda mandar kaja lađ kaj ni sasa ma čhave.,,

^e **1,19** *savo ačhav anglo Dol* Ano original ačhol: “save ačhen anglo Dol.,. Kava si phendo sar ukor e Zaharijase. Prisutnost e Gavriloso, savo avol taro Dol, bi trubula te avol dovoljno dokaz e Zaharijase.

^f **1,24** Pale pand ċhon ka pindardol kaj si khamni.

O meleko vačarol taro bijandipe e Isuseso

²⁶ A kana i Jelisaveta sasa šovto čhon khamni o Dol bičhalda e meleko e Gavrilo ano cikno foro Nazaret ani Galileja. ²⁷ Ki jekh čhej Marija savi sasa mangli romese e Josifese savo sasa tari kuštik e carosi e Davidesi. ²⁸ Thaj avilo late o meleko o Gavrilo thaj phenda: “Av radosno, so arakljan milost. O Rajo si tusa. Blagoslovimi san maškare đuvlja!,,

²⁹ A voj kaj dikhlja e meleko darajli tare lafura lese thaj dija gođi savo sasa kava pozdrav? ³⁰ Thaj phenda lače o meleko: “Ma dara, Marije! Golese kaj arakljan milost anglo Dol.,^g ³¹ Ak, ka ačhe khamni, thaj ka bijane čhave, thaj ka dele alav Isus.^h

³² Vov ka avol baro, ka akhardol Čhavo Embareso,
thaj ka dole o Rajo o Dol autoritet te vladil sar caro,
sar o David tar lesi kuštik so čerda.

^g **1,30** *arakljan milost anglo Dol* Idiom “naći milost,, značil te ave pozitivno prihvatimo nekastar: “O Dol odlučisada te dol tut po milost,, li “O Dol sikavol po ljubaznost.,,

^h **1,31** Alav “Isus,, značil: o Rajo spasil.

³³ Thaj ka caruil ane kuštika e Jakovese
sa e đivesa,

thaj lese carstvose ni ka avol krajo.

³⁴ A i Marija pučlja e meleko: “Sar ka
avol gova kana sem me vađi čhej?,,

³⁵ Thaj vačarda lače o meleko o Gavrilo:
“O Dux Sveti ka avol pe tute,

thaj o Zuralipe e Embareso ka učharol tut.

Golese kaj gova so ka bijandol ka avol
sveto,

thaj ka akhardol Čhavo e Devleso.

³⁶ Thaj ak, či bibi thaj voj ačhili khamni
ane purane berša i ka bijanol murše. Thaj voj
savi naštine ačhol khamni, akana si šov čhon
khamni. ³⁷ Golese kaj o Dol šaj sa so phenol!,,

³⁸ A i Marija phenda: “Ake i me sem sluškinja
e Rajosi. Nek avol palo čo lafi!,, Thaj o meleko
đelo latar.

I Marija đal te dičhol e Jelisaveta

³⁹ A i Marija pale gola đivesa spremisajli thaj
siđarda ani bregali phuv ano foro e Judejako.

⁴⁰ Kana resli odori, đeli ano čher e Zaharijaso,
thaj pozdravisajli e Jelisavetasa. ⁴¹ Thaj kana

i Jelisaveta šunda o pozdrav e Marijako, čhelda o čhavo ane lako blagoslovimo đi, thaj i Jelisaveta pherdili Svetu Duxo. ⁴² Thaj dija vika thaj vačarda e Marijače: “Em but san blagoslovimi maškare sa e đuvlja, thaj blagoslovimo o čhavo an čiro đi. ⁴³ Kotar mandje kava čast kaj tu i dej me Rajosi aviljan ke mande! ⁴⁴ Golese dik, kana šundem čo pozdrav ane mingre kana, čhelda o čhavoro ane mo đi. ⁴⁵ Thaj blago tuče so pačajan kaj ka čerdol kova so vačarda tuče o Rajo!,,

E Marija slavil e Devle

⁴⁶ Thaj i Marija vačarda:

“Slavil mo ođi mingre Rajo!

⁴⁷ Thaj mo dux blagoslovimo si ano Dol
mingro o spasitelji,

⁴⁸ so sasa milostivno pe kandinaće piraće,
golese dik, od akana ka akharen
ma blagoslovimi sa e manuša.

⁴⁹ Golese so čerda mandje but šukaripe o
Zuralo Dol, sveto si leso alav!

⁵⁰ Vov si milostivno sa e manušenđe tare
sa e kuštika save daran lestar.

⁵¹ Sikada po zuralipe pe vastesa,
čhudija e barikanen ane mislura
lendje ilendje.

⁵² Čhudija e vladaren taro lengo tron,
thaj vazdija e teljarden.

⁵³ E bukhalen čaljarda šukarimasa,
thaj e barvalen mukhlja čuče
vastencar.

⁵⁴ Pomožisada e Izraele cire sluga
te dolpe gođi taro milost,ⁱ

⁵⁵ sar so vačarda amare kuštikenđe,
e Avraame, thaj lese kućinaće*
đi ko poslednjo đive..,

⁵⁶ Thaj i Marija bešli e Jelisavetasa paše trin
čhon, thaj pale gova irisajli čhere.

Bijandilo o Jovan e krstiteljeso

⁵⁷ A i Jelisavetaće avilo o časo te bijanol,
thaj bijanda čhave. ⁵⁸ Thaj kana šunde lače

ⁱ **1,54** O Dol našti bistrol. Kana o Dol “dolpe gođi,,, gova si idiom savo značil kaj o Dol delujil ko fundo ke okova so obećisada. Kava vačarol tare Devleso obećanje e Avraame (“golese so obećisada amare kuštikenđe kaj ka avol milosrdno,,)

* **1,55** Gal 3,16

pašutne thaj lačhi familija kaj o Rajo sasa šukar pe late, thaj lošalisajle lasa.⁵⁹ Thaj kana o čavoro sasa ohtoto đive, avile te čeren le suneti, thaj manglje te denle alav e dadeso, Zaharija.⁶⁰ I Jelisaveta vačarda: “Na, leso alav ka avol Jovane!,,

⁶¹ Thaj phende lačhe e pašutne: “Naj tumen khoni ani čiri familija gole alavesa!,,⁶² Thaj pučlje e dade e Zaharija vastencar sar bi vov mandola te dol leso alav.⁶³ Thaj o Zaharija manglja khanči pe soste šajine te pisil, thaj pisisada: “Jovan ka avol leso alav.,, Thaj savore čudisajle.⁶⁴ Thaj o Zaharija lija te vačarol, thaj lija te slavil e Devle.

⁶⁵ Thaj i dar e Devlesi avili ane sa e pašutne lendje, thaj ki sa i bregali Judeja šundilo kava so sasa.⁶⁶ Thaj savore dije gođi tar gova:^j “So ka avol kale čhavese? Golese so o va e Rajoso sasa pe leste.,,^k

^j **1,66** Ano orginal ačhol: čute ano ilo

^k **1,66** *o va e Rajoso sasa pe leste* Izraz “va e Rajoso,, odnosilpe pe Rajoso zuralipe. “E Rajoso zuralipe sasa lesa,, ili “O Rajo čerda ane leste zurale.,,

O Zaharija prorokujil taro po čhavo o Jovane thaj taro Mesija

⁶⁷ Thaj o Zaharije, o dad e Jovaneso, pherdilo e Svetone Duxosa thaj prorokuisada:

⁶⁸ “Blagoslovimo o Rajo o Dol e Izraeleso so avilo thaj ikalda^l pe manušen!

⁶⁹ Thaj vazdija amendje e zurale Spasitelje^m tari kuštik e Davidesiⁿ pire slugasi,

⁷⁰ sar so vačarda andare muja tare sveta prorokura pire ano purano vreme

⁷¹ kaj ka ikalol amen tare amare dušmanura thaj tare vasta^o save mrzin amen.

⁷² Savo sasa milosno amare kuštikenđe, thaj ispunisada po sveto Savez^p,

^l **1,68** počinda–otkupisada

^m **1,69** e zurale Spasitelje Ano orginal ačhol: “šing–rog spasenja amendje,,. I šing e životnjendj sasa simboli taro blagoslovimo zuralipe te branin pe. O Mesija vačarol vov si sar i šing savi isila zuralipe te spasil o Izrael sar “savo šaj šaj te spasil amen,,.

ⁿ **1,69** Ano orginal ačhol: “Ano čher lese slugasi e Davidese,,. E Davideso “čher,, kate sikavol lese familija, tačno, lese kuštika: “ani familija lese slugasi e Davidesi,, li “savo si tari kuštik tar leso kandino o David,,.

^o **1,71** vasta predstavil zuralipe save bilačhe manuša koristin protiv e Devleso narodo.

^p **1,72** Ko orginal: “Savez,, dik: Ps 106,45–46

⁷³ Savez savo dija e Avraamese amare
paradadesē.

Kaj ka dol amen

⁷⁴ te ikala amen tare vasta amare
dušmajendē,

thaj te kanda e Devle bizi dar,

⁷⁵ ano svetost thaj ano pravednost angle
leste sa dok sam đuvde.

⁷⁶ A tu, Jovane mo čhavo, ka akhardo
proroko Embareso
golese kaj ka đa anglo Rajo te čere leso
drumo.

⁷⁷ Ka sikave lese manušen sar te pindaren
o spasenje

prekalo oproštenje tare lendē grehura,

⁷⁸ Golese so si e Devleso ilo šukar,

ka avol o svetlost^q pe amende sar
nevi sabalin,

⁷⁹ te svetlil kolendē so si ano kalipe^r thaj
ani sena e merimasi,

^q **1,78 svetlost** Svetlo si često metafora pašo čačipe. Kate vačarol pe taro duxovno čačipe savi o Spasitelj ka dol sar iklipe e khameso savo sikadol ki phuv. DikMal 4,2.

^r **1,79 kalipe** Kate si i tama metafora pašo odsutnost taro duxovno čačipe. Kate e manušenđe savendē nedostajil duxovno čačipe vačarol sar te phene bešen ano kalipe: "manuša save ni đanen o čačipe,,.

a amare pingre ka phiren ko drom taro
mir.,,^s

⁸⁰ A o čhavoro o Jovane barilo thaj zurajlo
duxosa. Thaj ĝelo ani pustinja sa ĝi kaj ni iklilo
angle Izraelcura te vačarol o Lafi e Devleso.

^s **1,79** “drom taro mir,, si metafora pašo ĉuvdi pe savo anol
ĝi gova sar manuš te avol le mir e Devlesa: “te avol mirno
an po ĉuvdipe,, il “te phire ko drom savo inđarol ko mir,,.



E Isuseso bijandipe

(Mt 1,18–25)

¹ Ane gola đivesa kana bijandilo o Jovane e krstiteljeso iklilo o vačaripe e caroso e Avgustineso te popisinpe sa e manuša ano Rimsko carstvo. ² Kava sasa angluno popis kana o Kvirinije vladisada e Sirijasa. ³ Thaj savore pojdisade te pisin pe alava ko spisko, ko foro kaj bešle lendje kuštika.

⁴ Gija thaj o Josif taro foro Nazaret ani phuv i Galileja, sar vov sasa tari familija em tari kuštik e Davidesi, pojdisada ane Davideso foro savo akhardol Vitlejem,^a ⁵ te pisil po alav ko spisko e Marijasa, savi mangli lese, thaj voj sasa khamni. ⁶ Thaj kana sesa ano Vitlejem, avilo o vreme i Marija te bijanol.

^a **2,4** *Vitlejem*Iako o Vitlejem sasa cikno foro, gothe o caro o David sasa bijando i sasa proroštvo kaj o Mesija ka bijandol gothe. (Mih 5,2).

⁷ Thaj bijanda čhave pe anglune, thaj pačarda le, thaj čutale ani balija,^b golese kaj naj sasa than ani gostonica.^c

E čobanura thaj e melekura

⁸ Thaj sesa e čobanura ane goja phuv pašo Vitlejem save arakhlje ke poljura račasa pe bakren. ⁹ Thaj dik, o meleko e Rajoso ačhilo maškare lende, thaj e Rajosi slava svetlisada len, thaj von but darajle. ¹⁰ Thaj o meleko vačarda lendē: “Ma daran! Dik, anav tumenđe lačho haber i e radujimaso so ka avol sa e manušenđe! ¹¹ Golese kaj avđive bijandilo o Spasitelj, save si Hristos, o Rajo, ano foro kaj sasa bijando o caro o David. ¹² Thaj ake, tumenđe znako pal save ka pindaren le: ka aračhen čhave save si pačardo thaj pašljol ani balija.,,

¹³ Thaj tari jekh drom pašo meleko sikadili bari vojska melekura^d, save hvalina e Devle vačarindoj:

^b **2,7** Than ani savi čhuvola pe pus thaj bobo e stokaće

^c **2,7** “naj sasa than lenđe dujenđe te ačhen ani soba e gosturenđi.., Golese so verovatno avile but manuša ano Vitlejem te pisin pe ko spisko.

^d **2,13** Ano orginal ačhol: Vojska e čerisi.

¹⁴ "Slava e Devlese ko učipe,
thaj ki phuv mir maškare manuša
save si pale Devleso mandipe..,"

¹⁵ Thaj kana e melekura đele lendar ano nebo, e čobanura phende jekh averese: "Kađa đi o Vitlejem, te dikha gova so odori sasa sar so vačarda amenđe o Rajo..,"

¹⁶ E čobanura đele sigate, thaj arakhlje e Marija thaj e Josife, thaj e čhave sar pašljol ani balija. ¹⁷ Thaj kana dikhlij le, savorenđe vačarde so o meleko lendje vačarda taro čavoro. ¹⁸ Thaj savore save šunde e čobanuren divisajle. ¹⁹ A i Marija dija godi tar kala lafura, thaj čhutalen ane po ilo.^e ²⁰ Thaj irisajle e čobanura thaj slavisade thaj hvalisade e Devle za sa so šunde thaj dikhlij, golese so pherdile sa e lafura sar so sasa lendje phendo.

²¹ Thaj ohtoto đive sar bijandilo o čavoro avilo o vreme te čeren le suneti,^f thaj dijele

^e **2,19** I Marija smatriska gova so sasa phendo tar blagoslovimo čavo sasa dragoceno: "lošale dola pe godi pe gola lafura..,"

^f **2,21 suneti** Zakonura save o Dol dija e Jevrejenđe te čeren suneti murše čhave thaj gova određeno kurbanu savo o dad em i dej trubul te anen. (3. Mojs 12,3).

alav Isus, sar so vačarda o meleko angleder so i Marija ačhili khamni.

I Marija thaj o Isus ko Hram palo Zakono

²² Thaj kana avilo o đive o Josip thaj i Marija te đan palo adeti e thodimaso–e Marijako, palo zakono e Mojsijaso, ande e čhavore ano Jerusalim ano Hram te preden le e Rajose

²³ (sar so si pisimo ano zakon e Rajoso kaj: “Svako čhavo murš savo putrol e dejako por te posvetilpe e Rajose,,”^{**}) ²⁴ thaj te anen kurbano (sar e Rajoso zakono penol, “duj grlice il duj terne golubura,,”).***

O Simeon pinđarda e Mesija

²⁵ Thaj dik, sasa ano Jerusalim manuš kaso alav sasa Simeon, thaj gova manuš sasa pravedno, thaj pobožno, savo ađučarda o Mesija te ikalol o Izrael^g taro ropstvo thaj o

^g **2,25** Ano original ačhol: “Ađučarda uteha e Izraelese.,,”

** **2,23** 2. Mojs 13,2, 12

*** **2,24** 3. Mojs 12,8

Dux Sveti sasa pe leste. ²⁶ Thaj o Dux Sveti sikada lese but angleder kaj ni ka merol sa ďi kaj ni dičhol e Hristo e Rajoso. ²⁷ Thaj o Duxo vačarda lese te ďal ano Hram.^h O Josif thaj i Marija ande e čhave e Isuse ano Hram te čeren okova so si palo adeti ane Mojsijaso zakono, ²⁸ A o Simeon dikhla e Isuse thaj lija le ke pire vasta, thaj hvalisada e Devle thaj phenda:

²⁹ “Akana muk ano mir man će sluga, Rajo,
palo okova sar so phendan.

³⁰ Golese so me jakha dikhla e spasipe čiroⁱ
³¹ savo čerdan angle sa e manuša.

³² Vov si svetlo^j savo ka avol pe manuša
save ni ďanen e Devle,
thaj vov ka avol ki slava pire
manušenđe e Izraelese.,,

^h **2,27** *ano Hram* “ani hramsko avlin.,, Samo e sveštenikura šajine te den ano Hram.

ⁱ **2,30** *o spasipe čiro* “Spasenje,, vačarol taro manuš savo ka anol spasenje-čhavore e Isuse-save o Simeon ičarol: “Spasitelji savo si bičhaldo,, il “kova kas tu bičhaldan te spasil amen.,,

^j **2,32** *O svetlo* Kaja metafora značil kaj o čhavoro ka pomožil e manušenđe te dičhen thaj te razumin ko isto sar o svetlo pomožil e manušenđe šukar te dičhen.

³³ Thaj e Isusesi dej thaj leso dad sesa čudime so vačarda o Simeon taro Isus. ³⁴ Thaj blagoslovisada len o Simeon, thaj vačarda e Marijače lese daće: “Dik, o Dol odredisada kale čhavore te peravol buten Izraelcuren thaj te vazdol.^k Vov si odredimo te avol e Devleso znako, al but đene ka odbacin le. ³⁵ Thaj gija ka sikadol so garandoj den an pe gođa. A tut i bari čhurik^l ka pusavol ano ođi.,,

I Ana zahvalil e Devlese pašo Mesija

³⁶ Thaj sasa i Ana e Devlesi proročica, čhej e Fanuilosi, tari kuštik e Asireso.^m Voj sasa but phuri, efta berš sasa pe romesa thaj blagoslovimo rom mulo,ⁿ ³⁷ thaj pale gova sasa udovica ohtovardeš thaj štar berš, savi ni đala

^k **2,34** *te peravol thaj te vazdol* Lađura “te perol,, i “thaj te vazdol,, sikaven o iripe taro Dol il o po pašipe pašo Dol: “Thaj kava čhavoro ka anol buten Izraelcuren te peren taro Dol il te anen le po paše,,.

^l **2,35** Kaja metafora sikavol bari žal savi i Marija ka osetil: “Ći žal ka avol gači dukhadi sar i bari šhurik–mač savi pusavol čo ilo.,,

^m **2,36** O Asir sasa jekh tare dešuduj čhave e Jakovese.

ⁿ **2,36** Kava šaj te značil(1) voj sasa udovica 84 berš il (2) voj si udovica savi si akana purani 84 berš.

taro Hram, kandija e Devlese i rat thaj o đive, thaj postisada thaj molisada.³⁸ Thaj ane gova časo avili, hvalisada e Devle thaj vačarda taro čhavoro savorenđe save ađučarde o Dol te ikalol^o o Jerusalim.^p

³⁹ Thaj o Josip em i Marija kana čerde sa palo zakono e Devleso, irisajle ani Galileja ane po foro o Nazaret. ⁴⁰ A o čhavo barilo thaj zurajlo, thaj pherdilo butđanglipe, thaj o šukaripe e Devleso sasa ane leste.

O Isus sar čhavoro ano Hram

⁴¹ E Isuseso dad thaj lesi dej đele svako berš ano Jerusalim ko baro đive ki Pasha. ⁴² Thaj kana sasa e Isuse dešuduj berš, i vov đelo palo adeti te svetkujil lencar o baro đive i Pasha ano Jerusalim. ⁴³ Thaj kana nakhle gola đivesa von irisajle čhere. O čhavoro o Isus ačhilo ano Jerusalim, a gova ni đanglje lesi dej thaj leso dad. ⁴⁴ Dije gođi kaj si i vov lencar maškare avera manuša save putujisade lencar.

^o **2,38** otkupil

^p **2,38** *Jerusalim* Kava značil “kova savo ka ikalol o Jerusalim,, il “vov ka anol e Devleso bahtaripe thaj naklonost palal ano Jerusalim,, (dik Is 52,9).

Đele jekh đive phirindoj thaj lije te roden le ki familija thaj ke pire piñdarutne manuša.⁴⁵ Thaj kana ni arakhlje le irisajle ano Jerusalim te roden le.⁴⁶ O trito đive arakhlje le ano Hram sar bešol maškare učitelja, thaj šunol len, thaj pučol len.⁴⁷ Thaj savore save šunena e Isuse divisajle lese đanglimasa thaj lese irimasa o pučipe.

⁴⁸ Thaj kana dikhļe le čudisajle, thaj lesi dej pučlja le: “Čhaveja! So čere amenca kava? Ak me thaj čo dad daraljam thaj rodijam tut!,,

⁴⁹ Thaj o Isus vačarda lendje: “Sose rodijen man? Ni li đanen kaj trubul te avav ano čher me Dadeso?„^q ⁵⁰ Thaj von ni haljarde so vov manglja te penol lendje.

⁵¹ Thaj lencar avilo ano Nazaret, thaj sa šunola len. Thaj lesi dej sa garada e lafura kala ane piro ilo.^r

^q **2,49** *Ni li đanen kaj trubul te avav ano čher me Dadeso?*
Leso dad thaj lesi dej trubuje te đanen i svrha zaki savi bičhalda le lesu Dad taro nebo. Ane 12 berš o Isus o Čavo e Devleso haljarda–razumisada kaj o Dol lesu pravo Dad (na o Josif, e Marijako rom).

^r **2,51** *sa garada e lafura kala ane piro ilo* Tare sa i Marija so šunda, vačarol pe kaj si sar barvalipe savo voj arakhlja thaj vrednujisada: “Ano šukaripe dija gođi tar sa kala buča,,.

⁵² Thaj o Isus barola ano butđanglipe thaj ano baripe^s thaj ano milost ko Dol em ke manuša.^t

^s **2,52** *barola ano butđanglipe thaj ano baripe* “Avola sa po đanglo i po zuralo.,, Kava vačharola pe tar leso mentalno thaj fizičko baripe (rast).

^t **2,52** *ano milost ko Dol em kare manuša* Kava vačarol taro duxovno thaj društveno rast–baripe. Kava šaj bi vačharola pe: “O Dol blagoslovisada le sa po but em po but, thaj e manuša manglje le sa po but thaj po but.,,



www.rombib.com



Gurbet